

କଲସୀୟମାନଙ୍କ ନିକଟକୁ ପାଉଲଙ୍କ ପତ୍ର କଲସୀୟଙ୍କଂନେ ତାଗ୍ରା ପାଉଲ୍‌ନେ ଉଲିଆଃ କଲସୀୟ ବଇ ବିସୟରେ ଉଠଡ଼ିକୁଗ୍ ସାମୁଆଁ

କଲସୀୟନେ ତାଗ୍ରା ଗୁଆରକ୍ସେ ଉଲିଆ ତିଙ୍ଗକେ ପାଉଲ୍‌ନେ ବାନ୍ ଗୁଆରକ୍ସେ ଉଲିଆ । ୧:୧ । ପାଉଲ୍ ତିଙ୍ଗପାରେତ ଜିସୁ କିସ୍ତନେ ଜନମ୍ ଇଡ଼ିଙ୍ଗ୍ ପାକାପାକି ୬୦ କିସ୍ତାବଦରେ ରମ୍‌ନିଆ ବନ୍ଦି ଲେଃନେ ବେଲା ମେଁ ଏନ୍ ଉଲିଆ ଗୁଆରବକେ । କଲସି ଉଲିଆ ଏତେ ଏଫିସିୟ ବାରି ଫିଲିପିୟ ଉଲିଆକେ ବନ୍ଦି ତୁଆନେ ଉଲିଆ ତାଗ୍ରତେ ବାସଙ୍ଗ୍ ଆରୁଏ ତାଗ୍ଲା ପାଉଲ୍ ଜେଲ୍ ତୁଆ ଲେଃନେ ବେଲା ଏନ୍ ଉଲିଆ ଗୁଆର ବକେ । ମେଁ କଲସିୟ ସହରନ୍ନିଆ ଲେଃକ୍ସେ ମଣ୍ଡଲି ତାଗ୍ରା ଏନ୍ ଉଲିଆ ଗୁଆର ବକେ ।

ପାଉଲ୍ ମେଁ ଏନ୍ ମଣ୍ଡଲିକେ ଆରାମ୍ ତିଙ୍ଗ୍ ଆବକେ ଶୁ ମେଃନେ ମେଁ ୨:୧ ନ୍ନିଆ ବାସଙ୍ଗ୍‌ତିଂକେ ମାତର୍ ଗୁଲୁଏ ଆଡ୍ ଅରିଆ ମେଁନେ ଦାଇଡ୍ ଲେଃକ୍ସେ ସାମୁଆଁ ଅନ୍‌ମାନ୍ ତିଙ୍ଗ୍ ଆରୁଏ । ଏପାଫ୍ରସ ଏନ୍ ମଣ୍ଡଲି ତିଆର୍ ତିଙ୍ଗ୍‌ବକେ ଏନ୍‌ସା ମେଁ କଲସିୟନେ ରେମୁଆଁ ଲେଃକେ । ପାଉଲ୍ କଲସିୟ ମଣ୍ଡଲିନ୍ନିଆ ଉଡ଼ି ମିର୍ ଗ୍ୟାନ୍ ବିସୟରେ ଚିନ୍ତା ତିଙ୍ଗକେ । ମେଁ ଏନ୍ ବିସୟରେ ଉଲିଆ ଗୁଆର ନ୍‌ସା ଗୁଲୁଏ ବେଲା ତିଂଝେଲେଃକେ । ଆକଅରିଆ ତିଙ୍ଗ୍ ପାରେ ମୁଇଂପାରୁଡ଼ି ଜିଉଦି କିସ୍ତିୟାନ୍ ଜାଣ୍ଡେଇଂ କି ବିନ୍‌ନେ କିସ୍ତିୟାନ୍‌ଇଂକେ ବାଞ୍ଚିର୍ ନିୟମ୍‌ନେ ଜିଉଦି ନିୟମ୍‌କେ ସମାନ୍ ବାବରେ ପବିତ୍ର ନିୟମ୍‌କେ ପାଲେ ନ୍‌ସା ବାଦ୍ୟ ତିଙ୍ଗ୍ ନ୍‌ସା ଚେସ୍‌ଟା ତିଙ୍ଗ୍ ଆର୍‌ତିଂକେ । ପାଉଲ୍ ସମାନ୍ ବାବରେ ଦରକାର୍ ଶୁନେ କିସ୍ତିୟାନ୍ ବିସୟରେ ଗୁଆରତିଂକେ ମୁଇଂଜା ଜାଣ୍ଡେ ତିଗ୍ କିସ୍ତ ଆତାରଲା ଇସପରନେ ତାଗ୍ରା ତିଙ୍ଗ୍ ଆୟା ଶୁ ୧:୧୫-୨୦ ବାରି ରେମୁଆଁନେ ଅଡ଼କା ଅଡ଼କି ବାନ୍

ତିଆର ଡିଜ୍‌କ୍ଲେ ଗ୍ୟାନ୍ ମୂଲ୍ୟ ଶୁ ଡିଜ୍‌ଏ ୨:୮ ।

ସାସ୍ତ୍ର ବିତ୍ତେ ଲେଖକେ ସାମୁଆଁଇଂ

୧. କଲସିୟ ମଣ୍ଡଳିକେ ପାଉଲ୍‌ନେ ସାର୍ଲ । ୧:୧-୨
୨. କିସ୍‌ଟନେ ମ୍ଲ ବାରି ମିର୍ ଗ୍ୟାନ୍ ଆଡ଼ାଡ଼ା ପାଉଲ୍‌ନେ ଜବାବ୍ । ୧:୩-୩:୪
୩. ନିମାଣ୍ଡା କିସ୍‌ଟିୟାନ୍ ରୁଆ ଡିକେଃ ନସା ପାଉଲ୍‌ନେ ଆଦେସ୍ । ୩:୫-୪:୨
୪. ପାଉଲ୍ ଏନ୍ ଉଲିଆକେ ବିନ୍‌ନେ ମଣ୍ଡଳିନ୍ନିଆ ଡିଗ୍ ପଡ଼େନ୍‌ସା ବାସଙ୍ଗଟେ ସାର୍ଲଟେଃ ବନ୍ଦ୍ ଆଡିଙ୍ଗକେ । ୪:୭-୧୮

୧ ଇସ୍‌ପରନେ ଇକଟାରେ କିସ୍‌ଟ ଜିସୁନେ ମୁଇଂଜା ବେବକ୍ଲେ ସିସ୍ ପାଉଲ୍ ବାରି ବୟାଁ ଡିମତି ।

୨ କଲସିୟନ୍ନିଆ ଲେଖକେ ସାଦୁଇଂକେ ବାରି କ୍ରିସ୍ଟୁ ବିସ୍‌ବାସ୍ ବୟାଁ ବାରି ତନାଇଂନେ ଡାଗ୍ରା ଏନ୍ ଉଲିଆ ଗୁଆରଡିଙ୍ଗକେ । ନେଇଂନେ ଆବା ଇସ୍‌ପର୍ ଆପେକେ ଲିବିସ ବାରି ସାନ୍ତି ବିଲେ ।

ଦନ୍ୟବାଦନେ ପାରତନା

୩ ନେନେ ପେଇଂନେ ସା ପାରତନା ଡିଙ୍ଗନେ ବେଲ୍‌ଲ ନେଁଇଂନେ ମାପୁରୁ ଜିସୁ କିସ୍‌ଟନେ ଆବା ଇସ୍‌ପର୍‌କେ କାଲାଆଃ ଦନ୍ୟବାଦ୍ ବିନେଡିଙ୍ଗ ।

୪ ଡାଗ୍ରା ନେନେ କିସ୍‌ଟ ଜିସୁନେ ଡାଗ୍ରା ପେଇଂନେ ବିସ୍‌ବାସ୍ ବାରି ଇସ୍‌ପର୍‌ନେ ସାପା ରେମୁଆଁଇଂକେ ନସା ପେଇଂନେ ଆଲାଦ୍ ବିସୟ୍ ଅଁନେଲେଃକେ ।

୫ ଉଡିବେଲ୍‌ଲ ନିମାଣ୍ଡାସାମୁଆଁନେ ସଡ଼ କବର୍ ପେଇଂନେ ଡାଗ୍ରା ସେନୁଗ୍ ପିଙ୍ଗଟାକେ ପେଇଂ ଆଡେନ୍ ବାନ୍ ବିବକ୍ଲେ ଆସା ସାମୁଆଁ ଅଁପେଲେକେ । ପେଇଂ ମେଁନେ ଆସା ପେଡିଙ୍ଗଏ ମେଃନେ ପେଇଂନେ ସା କିତଂନ୍ନିଆ ରକ୍ୟା ଡିଙ୍ଗଏ ଆଡେନ୍ ଆଡ଼ାଡ଼ା ପେଇଂନେ ବିସ୍‌ବାସ୍ ବାରି ଆଲାଦ୍ ତିଆର ଡିଙ୍ଗ ଲେଃକେ ।

୬ ଆଣ୍ଡିନେ ନିମାଣ୍ଡା ସାମୁଆଁ ବାସଙ୍ଗ୍ ନସା ପେଇଂ ସେନୁଗ୍ ଇସ୍‌ପର୍‌ନେ ଅନୁଗ୍ରଥ ବିସୟ୍ ପେଅଁକେ ବାରି ଏନ୍ ସଡ଼କେ ପେବାବେକେ ଆଡେନ୍ ନିମାଣ୍ଡା ସାମୁଆଁ ଏବେ ସାପା ମଞ୍ଚୁପୁରନ୍ନିଆ ବେପ୍ରେ ଝେଲେଃକେ ବାରି ଆସା ବାଦ୍ ଡୁଙ୍ଗପାଂକେ ।

୭ ✧ନେ ପାକାବାନ୍ କିସ୍ତନେ ବିସ୍ବାସ୍ ସେବାଣ୍ଡେ ବାରି ନେନେ ନିଜର୍ ସାଙ୍ଗ୍ ଏପାପ୍ରାନେବାନ୍ ପେଇଁ ଇସ୍ପରନେ ଆକେନ୍ ଅନୁଗ୍ରାଅ ବିସ୍ତ୍ ମ୍ୟା ପେଲେକେ ।

୮ ପବିତ୍ର ଆମ୍ବା ଆପେକେ ବିଷବକ୍ସେ ଆଲାଦ୍ ବିସ୍ତ୍ ମ୍ୟା ନେଁ ଆନେକେ ବାସଙ୍ଗ୍ବକେ ।

୯ ଏନ୍ କାରନ୍ବାନ୍ ପେଇଁନେ ବିସ୍ତ୍ରେ ଅଁନେ ବେଲା ନେ ସାପାବେଲା ପେଇଁନେ ସା ପାର୍ତନା ତିଙ୍ଗ୍ନେତିଙ୍ଗ୍ । ପବିତ୍ର ଆମ୍ବା ବିବକ୍ସେ ସାପା ଗ୍ୟାନ୍ ବାରି ବୁଜେନେ ବପୁ ବାନ୍ ଇସ୍ପରନେ ଇକ୍ତା ସମାନ୍ ବାବ୍ରେ ପେଇଁ ତିରକମ୍ ମ୍ୟା ପେୟାଏ ଏନ୍ସା ପେଇଁନେ ସା ନେ ପାର୍ତନା ତିଙ୍ଗ୍ନେତିଙ୍ଗ୍ ।

୧୦ ତେଲା ପେଇଁ ମାପୁନେ ଇକ୍ତା ରକମ୍ ବୁଆ ତିକେ୫ ପେୟାଏ ବାରି ନେଁନେ ମନ୍କେ ୱେକେ ରକମ୍ ନିମାଣ୍ଡା କାମ୍ ତିଙ୍ଗ୍ ପେୟାଏ । ପେଇଁ ପାରାନ୍ନିଆ ସାପା ରକମ୍ ନିମାଣ୍ଡା କାମ୍ ତିଙ୍ଗ୍ ପେୟାଏ ବାରି ଇସ୍ପରନେ ବିସ୍ତ୍ ମ୍ୟା ପେଇଁନେ ଗ୍ୟାନ୍ ମ୍ଲାଏ ।

୧୧ ତାବ୍ ବାବ୍ରେ ପେଇଁ ତିରକମ୍ ସାପା ବିସ୍ତ୍ ସାମ୍ବାଲେ ପେୟାଏ ଏନ୍ସା ନେଁନେ ଗୌରବ୍ମୟ ବପୁ ବାନ୍ ପେଇଁ ବପୁ ପେତିଙ୍ଗ୍ଏ ।

୧୨ ଆବା ଇସ୍ପର ତାରକିଗ୍ ରାଜିନ୍ନିଆ ନେଁନେ ରେମୁଆଁଇଁ ସା ମେ୫ନେ ତିଆର୍ ତିଙ୍ଗ୍ବକେ ଆତେନ୍ ବାଗ୍ ବାନ୍ସା ନେଁ ଜେ ଆପେକେ ସ୍ତ୍ରୀ ବକେ ଏନ୍ସା ସାର୍ଦାରେ ଆମେକେ ଦନ୍ୟବାଦ୍ ବିଷପା ।

୧୩ ନେଁ ତାଙ୍ଗ୍କିଗ୍ ବପୁବାନ୍ ଆନେକେ ରକ୍ୟା ତିଙ୍ଗ୍ବକେ ବାରି ରକ୍ୟା ବାବ୍ରେ ଆନେକେ ନେଁନେ ପ୍ରିଅ ଡ଼ଙ୍ଗ୍ଡେନେ ରାଜିନ୍ନିଆ ତୁଙ୍ଗ୍ପାଙ୍ଗ୍ବକେ ।

୧୪ ✧ଆତେନ୍ ମାପୁନେବାନ୍ ନେ ମୁକ୍ତି ବାନେଲେକେ ଆତାନ୍ସା ନେନେ ପାପ୍ କେମା ତିଙ୍ଗ୍ଲେକେ ।

କ୍ରିଷ୍ଟ ବାରି ନେଁନେ କାମ୍

୧୫ କ୍ରିଷ୍ଟ ଆତ୍ମାଙ୍କୁ ଇସ୍‌ପରନେ ବାନ୍ ନାମ୍ୟାଙ୍କୁ ରୁପନେ ମୁରତି ।
ମେଁ ପରତୁମ୍ ଜନମ୍ ତିଙ୍କୁ ଉଚ୍ଚତେ ବାରି ସାପା ତିଆର୍ ତିଙ୍କୁ
ବାନ୍ ମ୍ମା ।

୧୬ ତାଗ୍ଲା ମେଁନେ ବାନ୍ ଇସ୍‌ପର କିତଂନ୍ନିଆ ବାରି ମଞ୍ଚପୁରନ୍ନିଆ
ସାପା ନାନେ ବାରି ଆନାନେ ଜିନିସ୍ ମଞ୍ଚପୁରନ୍ନିଆ ଆଲେଃକେ
ମାଲିକ୍‌ଇଁ ସାସନ୍ ତିଙ୍କୁଣ୍ଡେ ବାରି ସାପା ଅଦିକାର ରେମୁଆଁଇଁକେ
ତିଆର୍ ତିଙ୍କୁକେ । ଇସ୍‌ପର ମେଁନେ ବାନ୍ ବାରି ମେନ୍‌ସା ଇସ୍‌ପର
ସାପା ମଞ୍ଚପୁରକେ ତିଆର୍ ତିଙ୍କୁକେ ।

୧୭ ସାପା ବିସୟ ତିଆର୍ ତିଙ୍କୁକେ ସେନୁଗ୍ କ୍ରିଷ୍ଟ ଲେଃକେ ।
ବାରି ମେଁନେ ତାଗ୍ଲା ମିସେକ୍ ବାନ୍ ମେଁନେ ତାଗ୍ଲା ସାପା ବିସୟ
ମିସେଲେଃକେ ।

୧୮ ☆ଆରି, ମେଁ ମଣ୍ଡୁଲି ରକମ୍ ଗାଗଡେନେ ବାଆଃ ରକମ୍, ମେଁ
ଅଃସେ, ଗୁଏଃରେଇଁବାନ୍ ପରତୁମ୍, ତିରକମ୍ ସାପା ବିସୟରେ ମେଁ
ପରତୁମ୍ ଚାନ୍ ବାଏ ।

୧୯ ତାଗ୍ଲା ପର୍‌ମେସର୍ ଇକ୍‌ଚା ସୁଗୁଆ ଉଂଡେ ନିଜେ ଇସ୍‌ପରନେ
ରକମ୍ ରୁପ୍ ସା ଲେଃକେ ।

୨୦ ☆ଉଚ୍ଚତେନେ ବାନ୍ ଇସ୍‌ପର ସାପା ମଞ୍ଚପୁରକେ ନିଜର୍ ତାଗ୍ଲା
ଆଣ୍ଡେ ତୁଙ୍ଗ୍‌ପାଙ୍ଗ୍ ନ୍‌ସା ଇକ୍‌ଚା ତିଙ୍କୁକେ । କୁସନ୍ନିଆ ମେଁନେ
ଉଚ୍ଚତେନେ ଗୁଏକ୍ ବାନ୍ ଇସ୍‌ପର ସାନ୍ତି ତିଆର୍ ତିଙ୍କୁବକେ ବାରି
ମଞ୍ଚପୁର ବାରି କିତଂଇନି ଲେଃକେ ସାପା ବିସୟକେ ନିଜର୍ ତାଗ୍ଲା
ଆଣ୍ଡେ ତୁଙ୍ଗ୍‌ପାଙ୍ଗ୍‌ବକେ ।

୨୧ ମୁଇଁ ବେଲା ମନ୍‌ନ୍ନିଆ ଦଦ୍ୟା ଚିନ୍ତା ବାରି ଦଦ୍ୟା କାମ୍
ତିଙ୍କୁକେଲା ପେଇଁ ଇସ୍‌ପରନେ ବାନ୍ ସ୍ଲୁ ପେଲେଃକେ ବାରି ମେଁନେ
ସତୁ ପେଲେଃକେ ।

୨୨ ମାତର୍ ଏବେ ଇସ୍‌ପର ଆପେକେ ପବିତ୍ର, ପୁରନ୍ ବାରି ଦସ୍‌ଶୁ
ଆଡିଙ୍ଗ୍‌ରେ ମେଁନେ ତାଗ୍ଲା ତୁଙ୍ଗ୍‌ନ୍‌ସା ମେଁନେ ଉଂଡେନେ ଗାଗଡେ
ଗୁଏକ୍ ବାନ୍ ଆପେକେ ବାର୍‌ମୁଇଁତର୍ ଆଃମିସୁବକେ ।

୨୩ ପେଇଁ ମୁଇଁ ତାଟ୍ ବାରି ସତେଆ ମୁଲ୍ ପାଣ୍ଡୁସୁନ୍ ଆଡାତ୍ରା
ତିଆର୍ ତିଂରେ ଲାଲାପା ଆରି ନିମାଣ୍ଡା ସାମୁଆଁ ଅଁନେ ବେଲା ମୁଡିନେ

ଆସା ବା ପେଲେଗେ, ଆଡ୍‌ବାନ୍ ଆବ୍‌ଗେପା । ଆତେନ୍ ନିମାଣ୍ଡା
ସାମୁଆଁ ଆଃ କିତଂଇନି ଆଲ ଲେଃକ୍ଲେ ଦର୍ତ୍ତନିନେ ସର୍ତ୍ତେରେ ଡାଗ୍ରା
ଝେଟା ତିଂକେ ଆରି ନିଂ ପାଉଲ୍ ମେଁନେ ମୁଇଂ ବିସ୍‌ବାସି ଦାସ୍ ।

ସେବା ରକମ୍ ମଣ୍ଡାଲିନ୍ନିଆ ପାଉଲ୍‌ନେ କାମ୍

୨୪ ଏବେ ପେଇଂନେ ସା ନେଇଂନେ ଦୁକ୍‌କସ୍ ନସା ନେଇଂ ସାଦା
। ଡାଗ୍ରା ନେଇଂନେ ଗାଗଡେନେ ଦୁକ୍‌କସ୍ ବାନ୍ ନେଇଂ କିସ୍‌ଟନେ
ଗାଗଡେ ରୁପ୍ ମଣ୍ଡାଲିପାକା କିସ୍‌ଟନେ ଦୁକ୍‌କସ୍‌ନେ ଅଦା ଲେଃକ୍ଲେ
ବର୍ତ୍ ଆଡିଙ୍ଗ୍ ନସା ସାଇଜ ତିଂଣ୍ଡିଂକେ ।

୨୫ ପେଇଂନେ ମଙ୍ଗଲ୍ ନସା ଏନ୍ କାମ୍ ତିଙ୍ଗ୍ ନସା ନେଇଂ
ଇସ୍‌ପର୍‌ନେ ବାନ୍ ମଣ୍ଡାଲିନେ ମୁଇଙ୍ଗ୍ ସେବାରେ ତିଙ୍ଗ୍‌ଲେକେ ।
ମେଁନେ ନିମାଣ୍ଡା ସାମୁଆଁ ସମାନ୍ ବାବ୍‌ରେ ବାସଙ୍‌ନେ ନେଇଂନେ କାମ୍
।

୨୬ ଆତେନ୍ ନିମାଣ୍ଡା ସାମୁଆଁ ମୁଇଙ୍ଗ୍ ନିମାଣ୍ଡା ସାମୁଆଁ । ଜୁଗ୍ ଜୁଗ୍
ସାଟେ ଇସ୍‌ପର୍ ସାପାରେନେ ବାନ୍ ଆକେନ୍ ବୁଡି ବକେ ମାତର୍ ଏବେ
ମେଁନେ ରେମୁଆଁଇଂନେ ଡାଗ୍ରା ଆନା ବକେ ।

୨୭ ମେଁନେ ରେମୁଆଁଇଂ ଆତେନ୍ ବୁଝଡିକ୍ଲେ ସାମୁଆଁ ଆମ୍ୟାନେ
ଇସ୍‌ପର୍‌ନେ ଇକ୍‌ଟା । ମେଁନେ ଆକେନ୍ ଜାବର୍‌ମୁଲ୍ୟ ବାରି ମଙ୍ଗଲ୍
ରକମ୍‌ନେ ସାମୁଆଁ ସାପା ରେମୁଆଁ ଜାତି ନସା ଅଦିକାର୍ । ଆତେନ୍
ସାମୁଆଁ ତିଙ୍ଗ୍‌କେ କିସ୍‌ଟ ପେଇଂନେ ବିତ୍ରେ ଲେଃକ୍ଲେ । ଏନ୍ ଅର୍ତ୍ତ
ପେଇଂ ଇସ୍‌ପର୍‌ନେ ଗୌରବ୍‌ଅରିଆ କୁଡେଃପେଲେକେ ।

୨୮ ଆତେନ୍‌ସା ନେ ସାପାରେନେ ଡାଗ୍ରା କ୍ରିଷ୍ଟକେ ସାମୁଆଁ
ବାସଙ୍ଗ୍ ନେଡିଙ୍ଗ୍ । ସାପାରେକେ କିସ୍‌ଟନେ ଏତେ ମିସେଟେ
ମୁଇଙ୍ଗ୍ ଜନମ୍‌ବାନ୍ ଦର୍ମ ବୁଦି ରେମୁଆଁ ରକମ୍ ଇସ୍‌ପର୍‌ନେ
ସାମ୍‌ନାନ୍ନିଆ ଆଝେଟା ନସା ନେଇଂନେ ସାପା ବୁଦିଗ୍ୟାନ୍ କର୍ତ୍
ତିଙ୍ଗ୍‌ଟେ ସାପାରେକେ ତରକ୍ ବାରି ଗ୍ୟାନ୍ ବିନେଡିଙ୍ଗ୍ ।

୨୯ ଏନ୍ ଉଦେସ୍‌ରେ ତିଗ୍ ମେଁନେ ଆଣ୍ଡିନେ କାମ୍ ପୁରନ୍ ତିଂଣ୍ଡିଂକେ,
ବପୁ ନେଇଂ ଡାଗ୍ରା ଜିସୁ କିସ୍‌ଟ ବିବକେ, ଆତେନ୍ ସୁଗୁଆ ନେଇଂ ଜିବନ୍
ବିଃଟେ ଚେସ୍‌ଟା ବାରି କସ୍‌କାମ୍ ତିଙ୍ଗ୍‌ଣ୍ଡିଂକେ ।

୨

୧ ତାଙ୍କୁ ଯେଉଁ ନିୟମ ଲାଓଦିକିଆନେ ରେମୁଆଁ ବାରି ଆନେଇଁ ରେମୁଆଁ ବାବରେ ସାମୁଆଁ ଆଲେକ୍ସେ ସାପା ରେମୁଆଁ ନିୟମ ନେଇଁ ଜେ ଉଡ଼ି କସ୍ତକାମ୍ ତିଙ୍ଗିଣ୍ଟିକେ ଆଡେନ୍ ଯେଇଁ ମ୍ୟାପା ତାଗ୍ରେ ନେଇଁନେ ଇକ୍ଟା ।

୨ ଯେ ସାପାରେ ତିରକମ୍ ସାରଦା ଯେଡିଙ୍ଗିଏ ନିଜର୍ ନିଜର୍ ଏଡେ ଆଲାଦନିଆ କୁଡେରେ ଯେଲେକ୍ସଏ ବାରି ସଡ଼ ଗ୍ୟାନ୍ ବାରେ ସଡ଼ନେ ଆସା ରକମ୍ ସମ୍ପତିନେ ଅଦିକାର୍ ଯେଡିଙ୍ଗିଏ ଏନ୍ ନେଇଁନେ ଇକ୍ଟା । ଏନ୍ ବାନ୍ ଯେ ସାପାରେ ଯେମ୍ୟାଏ ଜେ ଜିସୁ କିସ୍ଟ ଆଃ ଇସ୍ପରନେ ଆତାନ୍ ସର୍ତେ ସାମୁଆଁ ।

୩ ଜିସୁ କିସ୍ଟ ତିଙ୍ଗିକେ ଆଡେନ୍ କୁଟିକାଡ଼ି ଆଣ୍ଟିନେ ଇସ୍ପରନେ ବୁଦି ବାରି ଗ୍ୟାନ୍‌ରକମ୍ ସାପା ବୁଡ଼ିକ୍ସେ ସମ୍ପତି ବୁବନେ ତୁଆ ରକ୍ଷିଏ ।

୪ ନେଇଁନେ ଦେକ୍‌ରକମ୍ ବାସଙ୍ଗନେ ଉଦେସ୍ ଜେ ଆପେକେ ତିରକମ୍ ଜାଣ୍ଟେ ନିମାଣ୍ଟା ତାଗ୍ରେ ସଡ଼ଣ୍ଟନେ ଗ୍ୟାନ୍ ବାନ୍ ବାୟା ଆରା ତିଙ୍ଗିଆର୍ଲେ ।

୫ ନେଇଁ ନେଇଁନେ ଗାଗ୍ଡେନ୍ନିଆ ଯେନେ ଏଡେ ଆଡ଼ଅରିଆ ଶୁ ମାଡର୍ ନେଇଁନେ ଆମ୍ବା ଆଡ଼ଅରିଆ ଲେକ୍ସକେ । ନେଇଁ ଯେଇଁନେ ନିମାଣ୍ଟା ଜିବନ୍ ବାରି ଯେଇଁନେ କିସ୍ଟନେ ତାଗ୍ରେ ତାଟ୍ ବିସ୍ବାସ୍ କେରେ ସାଦା ତିଙ୍ଗିଣ୍ଟିକେ ।

କିସ୍ଟ ତାଗ୍ରେ ଜିବନ୍

୬ ଏଲେଡିଗ୍ କିସ୍ଟ ଜିସୁକେ ମାପୁ ତାଗ୍ରେ ତିରକମ୍ ଗ୍ରାନ୍ ତିଙ୍ଗିପେବକେ ମେଁନେ ଏଡେ ମିସେରେ ଜିବନ୍ ପାରାନ୍ ଆବୁଆପା ।

୭ ଯେଇଁନେ ମୁଲ୍‌ପାଣ୍ଟୁସନ୍ ମେଁନେ ଆଡ଼ାଡ଼ା ତାଟ୍ ବାବରେ ଆକରେ ଜିବନ୍ ତିଆର୍ ତିଙ୍ଗିପା ବାରି ଯେ ବାକ୍ସେ ଗ୍ୟାନ୍ ରକମ୍ ବିସ୍ବାସ୍‌ନିଆ ଜାବର୍ ବପୁ ତିଙ୍ଗିପା । ଯେଇଁନେ ଗାଗ୍ଡେ ଦନ୍ୟବାଦ୍‌ନିଆ ବଡ଼ ତିଙ୍ଗିଲେ ।

୮ ତରକ୍ ଲାଲାପା ତିରକମ୍ ଜାଣ୍ଟେ ଆପେକେ ସଡ଼ଣ୍ଟନେ ତିଙ୍ଗାଲ୍ ବାନ୍ ବାରି ବ୍ଲାଲିର୍ ବାନ୍ ବାୟା ଆରାତିଙ୍ଗିଲେ । ଦେକ୍‌ରକମ୍ ସାମୁଆଁ

ସାପା କିସ୍ତନେ ତାଗ୍ରା ଶୁ ରେମୁଆଁ ବାନ୍ ପୁଏଃତାରଏ । ଏନ୍ ସାମୁଆଁ ଆଣ୍ଡେଜ୍ ଡିଜ୍‌କେ ମଞ୍ଚପୁର ରେମୁଆଁକ୍‌ନେ ମୁଲ୍ୟଶୁନେ ସାମୁଆଁ ।

୯ ପରମେସର୍ କିସ୍ତନେ ତାଗ୍ରା ସତ୍‌ରେ ରେମୁଆଁ ଗାଗଡ଼େ ସାତେ ବାସା ଲେଃକେ ।

୧୦ ମୈନେ ଏତେ ମିସେତେ ଲେଃଲା ପେଇଁ ଜିବନ୍‌ନ୍ନିଆ ସାପା ଲାବ୍ ବାପେଲେଃକେ । ବିନ୍ ସାପା ବପୁ ବାରି ସାସନ୍ ଆଡ଼ାତ୍ରା କ୍ରିସ୍ତନେ ସାସନ୍ ଆଃ ମ୍ମା ।

୧୧ କିସ୍ତନେ ଏତେ ମିସେକ୍ଲେ ଜିବନ୍ ଆଃ ପେଇଁନେ ପବିତ୍ର ରକମ୍ । ଏନ୍ ପବିତ୍ର ରେମୁଆଁ ତିଆର୍ ଆଡ଼ିଜ୍‌କେ ଶୁ ଆତେନ୍ କିସ୍ତନେ ବାନ୍ ତିଆର୍ । ଆତେନ୍ ରେମୁଆଁକେ ପାପ୍ ବତ୍ ଗାଗଡ଼େକେ ସାପା ବପୁ ବାନ୍ ମୁକ୍ତି ବିଏ ।

୧୨ ✨ତାଗ୍ଲା ଶ୍ରୀଆଦିକ୍ୟା ଗ୍ରାଅନ୍ ଡିଜ୍‌ନେ ବାନ୍ ପେଇଁ କିସ୍ତନେ ଏତେ ରାଚ୍ୟା ଡିଜ୍‌ପେଲେଃକେ ବାରି ଜିସୁ କିସ୍ତକେ ବାର୍‌ମୁଇଁତର୍ ଆମ୍ବୁ ବକ୍ଲେ ଇସ୍‌ପର୍‌ନେ ବପୁରେ ବିସ୍‌ବାସ୍ ଡିଜ୍‌ନେ ବାନ୍ କିସ୍ତନେ ଏତେ ପେଇଁ ଡିଜ୍ ବାର୍‌ମୁଇଁତର୍ ମ୍ମା ପେଲେକେ ।

୧୩ ✨ପେଇଁନେ ପାପ୍ ନସା ବାରି ପେଇଁ ନିୟମ୍‌ନ୍ନିଆ ଅଣଜିଉଦି ଲେଃଲା ପେଇଁ ଆମ୍ବୁନ୍ନିଆ ଗୁଏପେଲେକେ ମାତର୍ ଇସ୍‌ପର୍ ଏବେ କିସ୍ତନେ ଏତେ ଆପେକେ ଜିବନ୍ ଆଡ଼ିଜ୍ ବକେ; ଇସ୍‌ପର୍ ନେଇଁନେ ସାପା ପାପ୍ କେମା ଡିଜ୍‌ବକେ ।

୧୪ ✨ବାରି ନିୟମ୍ କାନୁନ୍‌ନ୍ନିଆ ନେଇଁନେ ବିରଦ୍‌ରେ ଆଣ୍ଡିନେ ନିୟମ୍ ଉଲିଆ ଲେଃକେ, ଆତେନ୍ ମୈ ନସୁ ଆଡ଼ିଜ୍‌ଚେ କୁସନ୍ନିଆ ଡାବିଚେ ନୈଇଁନେ ଗାଲିବାନ୍ ମ୍ମା ଆଡ଼ିଜ୍‌ବକେ;

୧୫ ବାରି ଆତେନ୍ କୁରୁସ୍ ଆଡ଼ାତ୍ରା କିସ୍ତ ସାପା ରକମ୍ ବପୁ ବାରି ଅଦିକାର୍ ବାନ୍ ନିଜେକେ ମୁକ୍ତି ଆଡ଼ିଜ୍‌ବକେ ବାରି ଆମେଇଁକେ ବନ୍ଦି ଆଡ଼ିଜ୍‌ଚେ ନିଜେନେ ଜିତେନେ ଗାଲିଅରିଆ ସାପାରେନେ ସାମ୍ବୁନାନ୍ନିଆ ଆମେଇଁକେ ଗିଆସ୍ ଆଡ଼ିଜ୍‌ବକେ ।

୧୬ ✨ତେସା ଜାଣ୍ଡେ ପେନେ ଚଜ୍ ଉଗନେ ପବିତ୍ର ତିତି ବା ଆମାସ୍ ପାଣ୍ଡୁଏ ଶୁଲା ପୁଣ୍ଡେନେ ଦିନା ବିସୟରେ ମେଃଡ଼ିଗ୍ ନିଅମ୍ ତିଆର୍ ଆଡ଼ିଜ୍‌ଲେ ।

☆ ୨:୧୨ ରମିୟ ୭:୪.

☆ ୨:୧୩ ପିଲିପିୟ ୨:୧-୫.

☆ ୨:୧୪ ପିଲିପିୟ ୨:୧୫.

☆ ୨:୧୬ ରମିୟ ୧୪:୧-୭.

୧୭ ଆଡେନ୍ ସାପା ମାତର୍ ବବିସଡ୍ରେ ଗଟେନେ ଝେଡିଙ୍ଗ୍‌କ୍ଲେ ବିସୟନେ ନ୍‌ଲୁଡ୍ୟା ରକମ୍ । ମାତର୍ ସଡ୍ ସାମୁଆଁ କିସଟ୍ ।

୧୮ ଜାଣ୍ଟେଇଁ ବିନ୍ ଦର୍ସନ୍ ଚାଲାକି ଦରମ୍ ବାରି କିତଂଦୁଡ୍ ପୁଜା ଆଡାଡ୍ରା ଦ୍ୟାନ୍ ବିଚେ ଆମ୍ବାବଡ୍‌ପନ୍ ଡିଙ୍ଗ୍‌ଏ ଆମେଇଁକେ କେଚେ ପେଇଁ ନିଜ୍‌କେ ଡାଆଁ ମନେ ଆଡିଂଗେପା । ଦେକ୍‌ରକମ୍ ରେମୁଆଁଇଁ ନିଜ୍‌କେ ରେମୁଆଁ ବିସୟନେ ଚିଡ୍ରାନ୍ନିଆ ବାରି ସରାଃ ଗରବ୍‌ନ୍ନିଆ ଗରବ୍ ଡିଙ୍ଗ୍ ଲେଃଆରଏ ।

୧୯ ☆ଗାଗଡ୍‌ଡେନେ ବାଆ ସୁଗୁଆ କିସଟ୍‌ନେ ବାନ୍ ମେଇଙ୍ଗ୍ ବିନି ଡିଙ୍ଗ୍‌ଲେଃ ଆରକେ । ମେଇଁନେ ବେକ୍ଲେ ବାନ୍ ଗାଗଡ୍‌ଡେଗୁଗ୍‌ଲାନେ ଗୁଚି ଜାଗାଇଁ ବାରି ସିରା ପ୍ରସିରା ବାନ୍ ନିଜର୍ ନିଜର୍ ଏଡେ ମିସୁଚେ ଲେଃଏ ବାରି ଗାଗଡ୍‌ଡେ ଇସପର୍‌ନେ ସାମୁଆଁ ଅନୁସାରେ ମ୍ମା ଡିଙ୍ଗ୍‌ଏ ।

କିସଟ୍‌ନେ ଏଡେ ନେଃଗୁଏଃପା ବାରି ନେଃଗୁଆପା

୨୦ ପେଇଁ କିସଟ୍‌ନେ ଏଡେ ଗୁଏପେଲେକେ ବାରି ଏନ୍ ଦର୍ଡିନି ଆଡାଡ୍ରା ସାସନ୍ ଡିଙ୍ଗ୍‌ମ୍ୟାକ୍ଲେ ବପୁଲେଃକ୍ଲେ ଡ୍ରିବାନ୍ ମୁକ୍ତି ବାପେଲେକେ । ତେଲା ମେଃନ୍‌ସା ପେଇଁ ସଂସାର୍‌ନେ ରେମୁଆଁଇଁ ରକମ୍ ପାରାନ୍ କାଟେପେଡିଙ୍ଗ୍ ? ମେଃନ୍‌ସା ପେଇଁ ଦେକ୍‌ରକମ୍ ନିୟମ୍ ସାପା ପାଲେ ପେଡିଙ୍ଗ୍‌ଏ ଶୁଲା

୨୧ “ଏନ୍ ଆସାଗେପା, ଆଡେନ୍ ଆଚଙ୍ଗେପା, ଆଡେନ୍ ଆଲିଗ୍‌ଗେପା ?”

୨୨ ଏନ୍‌ସାପା ବିସୟ୍ ଦରକାର୍ ଶୁ । ଆକେନ୍ ବେବଆର୍ ଡିଙ୍ଗ୍‌ନେ ସାଙ୍ଗେ ସାଙ୍ଗେ ମୂଲ୍ୟହିନ୍ ଡିଙ୍ଗ୍‌ଝେଏ । ଏନ୍ ଇଁ ମାତର୍ ରେମୁଆଁ ଡିଆର୍ ଡିଙ୍ଗ୍‌କ୍ଲେ ନିଅମ୍ ବାରି ଗ୍ୟାନ୍ ।

୨୩ ଏନ୍ ନିଅମ୍‌ଆଣ୍ଟେଙ୍ଗ୍ ଗ୍ୟାନ୍‌ରକମ୍ ଜାନା ପଡେଲା ଡିଗ୍ ରେମୁଆଁ ବାନ୍ ଡିଆର୍ ଡିଙ୍ଗ୍‌କ୍ଲେ ଦରମ୍‌ନେ ମୁଇଁ ମୁଇଁ ବାଗ୍ ଆଣ୍ଟିନେ ବାନ୍ ରେମୁଆଁ ଦରମ୍ ଡାଗ୍‌ଚେ ଚାଲାକି ଡିଙ୍ଗ୍‌ଆରଏ ବାରି ନିଜର୍ ଗାଗଡ୍‌ଡେକେ କସ୍ ଡିଙ୍ଗ୍‌ଆରଏ । ଡାଗ୍ଲା ଏନ୍ ନିଅମ୍ ଆଣ୍ଟେଙ୍ଗ୍ ଆମେଇଁକେ ମେଇଁନେ ପାପ୍ ଆଣ୍ଟେଙ୍ଗ୍ ବାରି ଦଦ୍ୟା କାମ୍‌ବାନ୍ ମ୍ମା ଲେଃ ନ୍‌ସା ସାଇଜ ଆଡିଙ୍ଗ୍ ଶୁ ।

୩

୧ ପେଇଁ କିସ୍ତନେ ଏତେ ଗୁଏରେ ତଡ଼୍ୟା ପେଲେକେ । ତେସା କିତଂନେ ବିସୟ ଆଡ଼ାତ୍ରା ମନ୍ ବିଃପା ତାଗ୍ଲା କିସ୍ତ କିତଂନ୍ନିଆ ଇସ୍ପରନେ ବେସ୍ୟା ପାକା କଲେକେ ।

୨ ମଞ୍ଚପୁର ବିସୟ ଆଡ଼ାତ୍ରା ଆସା ମାଡ଼ିଙ୍ଗରେ କିତଂନେ ବିସୟ ଆଡ଼ାତ୍ରା ଆସା ଡିଙ୍ଗପା

୩ ତାଗ୍ଲା ପେ ଗୁଏ ପେଲେକେ ବାରି କିସ୍ତନେ ଏତେ ପେନେ ଜିବନ୍ ଇସ୍ପରନେ ତାଗ୍ଲା ବୁଡ଼ିରେ ଲେଃକେ ।

୪ କିସ୍ତ ଆଃ ପେନେ ଜିବନ୍ ବାରି ମେଁ ଉଡ଼ି ବେଲା ତାର୍‌ଏ ଆତେନ୍ ବେଲା ପେ ଡିଗ୍ ମେଁନେ ଗଉରବନେ ବାଗ୍ ଡିଙ୍ଗରେ ପେନ୍‌ଏ ।

ବାଞ୍ଜିର୍ ବାରି ମି ଜିବନ୍

୫ ଏଲେଡିଗ୍ ଜାଗତିକ ଅଡ଼ାରେଗ୍ ପାପ୍ ଆଣ୍ଡେଙ୍ଗ୍ ଡିଙ୍ଗନେ, ଦଦ୍ୟା କାମ୍ ଡିଙ୍ଗନେ ଇକ୍ତା, ଲାଲ୍‌ସା ଡିଙ୍ଗନେ, ଦଦ୍ୟା ମନ୍ ଲେଃନେ ବାରି କାଲାଆଃ ଲବ୍ ଡିଙ୍ଗରେ ଲେଃନେ, ଆଣ୍ଡିନେ ମୁଇଙ୍ଗ୍ ମିର୍ ଦେବତାକେ ପୁଜା ଡିଙ୍ଗନେ ରକମ୍, ଦେଡ୍ ରକମ୍ ବିସୟ ଆଣ୍ଡେଙ୍ଗ୍ ନିଜର୍ ଜିବନ୍ ବାନ୍ ସ୍ଲ ବପା । ଦେକ୍ ରକମ୍ ବିସୟଇଁବାନ୍ ତରକ୍ ଲାଲାପା ।

୬ ଏନ୍ ସାପା ବିସୟନ୍ନିଆ ଲିଗ୍ ଲେଃରେ ଜାଣ୍ଡେଇଁ ଇସ୍ପରକେ ଅମାନି ତିଆର୍‌ଏ ମେଇଁନେ ଆଡ଼ାତ୍ରା ଇସ୍ପରନେ ରିସା ଡିଙ୍ଗଏ ।

୭ ମେସୁଆ ପେଇଁ ଦେକ୍ ସାପା ଦଦ୍ୟା ଅବସ୍ତାରେ ତାଆଁ ଡିଙ୍ଗରେ ଜିବନ୍ ପାରାନ୍ ଆମ୍ବୁ ପେଡିଂକେ ।

୮ ମାତର୍ ଏବେ ପେଇଁନେ ଜିବନ୍ ବାନ୍ ରିସା ଇଂସା ନିନ୍‌ଆ ତୁମୁଆଃ ବାନ୍ ଦଦ୍ୟା ସାମୁଆଁ ଏନ୍ ସାପା ଆନ୍ତାର୍ ବିଃପା ।

୯ ✨ନିଜର୍ ନିଜର୍ ବିତ୍ରେ ମିର୍ ଆବାସଙ୍ଗ୍‌ପା ମାତର୍ ପେଇଁ ବାଞ୍ଜିର୍ ଗୁନ୍ ଚଲନ୍ ବାରି ବେବଆର୍ ଆନ୍ତାର୍ ବିଃପା

୧୦ ✨ପେଇଁ ମି ଜିବନ୍ ଆରାମ୍ ଡିଙ୍ଗପେବକେ । ମି ଜିବନ୍ନ୍ନିଆ ପେଇଁ ମି ଡିଙ୍ଗପେଲେଃକେ । ପେଇଁ ପେଇଁନେ ଆତେନ୍ ତିଆର୍ ଡିଙ୍ଗ୍‌କ୍ଲେ ସାଉକାର୍ ରକମ୍ ଡିଙ୍ଗପେଲେକେ । ଏନ୍ ମି ଜିବନ୍ ବାନ୍ ପେଇଁ ପରମେସର୍‌ନେ ବିସୟନ୍ନିଆ ସତେଆ ଗ୍ୟାନ୍ ବାପେଲେକେ ।

୧୧ ଏନ୍ ମି ଜିବନ୍‌ନ୍ନିଆ ଗ୍ରୀକ୍, ଅଣଜିଉଦି, ପବିତ୍ର ବାରି ଅପବିତ୍ର ନିଜର୍ ଦେସ୍ ବିନ୍‌ନେ ଦେସ୍‌ନେ ଚାକର୍ ବାରି ସ୍ଥୁଆୟ ନିଜର୍ ବିତ୍ତରେ ଲେଖକ୍ ରେମୁଆଁ ବିତ୍ତେ ବାରି ମେଃଡିଗ୍ ବିନେ ଶୁ । ମାତର୍ କିସ୍ତ ସାପାରେନେ ଡାଗ୍ରା ଲେଖକେ ବାରି ମେଁ ଡିଙ୍ଗକେ ସାପାରେନେ ।

୧୨ ☆ପର୍ମେସର୍ ଆପେକେ ସ୍ତ୍ରୀ ବକେ ବାରି ନିଜେନେ ପବିତ୍ର ରେମୁଆଁ ଡାଗ୍ରେ ଗ୍ରୀଅନ୍ ଡିଙ୍ଗବକେ । ମେଁ ଆପେକେ ଆଲାଦ୍ ଡିଙ୍ଗକେ । ତେସା ପେଇଁ କାଲାଆଃ ଆତେନ୍ ସାପା କାମ୍‌ଆଣ୍ଡେଙ୍ଗ୍ ଡିଙ୍ଗପା, ରେମୁଆଁକେ ଲିବିସଃପା, ଦୟା ଡିଙ୍ଗପା, ଦରମ୍ ଡିଙ୍ଗପା, ସାଦୁ ଡିଙ୍ଗପା, ସାଆସ୍ ଡିଙ୍ଗପା ।

୧୩ ନିଜର୍ ନିଜର୍ ଆଡାଡା ଲିବିସ ଡିଙ୍ଗପା ବାରି ଜଦି ଜାଣ୍ଡେନେ ବିନ୍ ବିରଦ୍‌ନ୍ନିଆ ସାମୁଆଁ ଲେଃଏ ତେଲା ନିଜର୍ ନିଜର୍ ବିତ୍ତେ ଲିବିସ ଡିଙ୍ଗପା । ମାପୁ ତିରକମ୍ ଆପେକେ ଲିବିସ ଡିଙ୍ଗ ବକେ ପେଇଁ ଦେକ୍‌ରକମ୍ ନିଜର୍ ନିଜର୍ ବିତ୍ତେ ଲିବିସ ଡିଙ୍ଗପା ।

୧୪ ଏନ୍ ସାପା ଡିଙ୍ଗପା ମାତର୍ ସାପାବାନ୍ ମ୍ବା ବିସୟ ଡିଙ୍ଗକେ ନିଜର୍ ନିଜର୍ ବିତ୍ତେ ଆଲାଦ୍ ଡିଙ୍ଗନେ । ଆଲାଦ୍ ଆପେକେ ମୁଇଁଅରିଆ ଗାଗ୍ ବଏ ।

୧୫ କିସ୍ତନେ ତିଆର୍ ଡିଙ୍ଗକ୍ ସାକ୍ତି ବାନ୍‌ସା ପେଇଁ ମୁଇଙ୍ଗ୍ ଗାଗ୍‌ଡେ ରକମ୍ ତିଆର୍ ଡିଙ୍ଗପେଲେକେ ଆତେନ୍ ପେଇଁନେ ଗାଗ୍‌ଡେ ସାସନ୍ ଡିଙ୍ଗଲେ; ବାରି ପେଇଁ ଦନ୍‌ଏବାଦ୍ ବିଃପା ।

୧୬ କିସ୍ତନେ ଗ୍ୟାନ୍ ପେନେ ଆମ୍‌ଡାଗ୍ରା ଜାବର୍ ବାବ୍‌ରେ ଲାଃଲେ । ନିଜର୍ ନିଜର୍ ବିତ୍ତେ ଗ୍ୟାନ୍ ବିନେ ବାରି ବପୁ ଆଡିଙ୍ଗ୍ ନ୍‌ସା ସାପା ଗ୍ୟାନ୍‌ନେ ବେବଆର୍ ଡିଙ୍ଗପା । ନିଜର୍ ଗାଗ୍‌ଡେନ୍ନିଆ ପର୍ମେସର୍ ନ୍‌ସା ଦନ୍‌ଏବାଦ୍ ଅସ୍‌ମାର୍ ସାର୍‌ପା ।

୧୭ ପେଇଁ ବ୍ଲାଲିର୍ ବାରି ସ୍ନେନ୍ନିଆ ମେଁନେ ସାପା ପେଡିଙ୍ଗ୍‌ଏ ଆତେନ୍ ସାପା ମାପୁ ଜିସୁନେ ମ୍ରେ ଡିଙ୍ଗ୍‌ଚେ ଆବା ଇସ୍‌ପର୍‌କେ ଦନ୍‌ଏବାଦ୍ ବିଃପା ।

ମି ଜିବନ୍‌ନ୍ନିଆ ରେମୁଆଁନେ ବିସ୍‌ବାସ୍

୧୮ ଅ ସେଲାମ୍‌ସୁଃଇଁ ପେନେ ଆଣ୍ଡାଲ୍‌ନେ ଅଦିକାର୍ ଡିଙ୍ଗପା ଡାଗ୍ରା ମାପୁ ଜିସୁ କ୍ରିଷ୍ଟନେ ପାଙ୍ଗନେ ବେଲା ଏନ୍ ପେଇଁନେ କାମ୍ ।

୧୯ ଅ ଆଶ୍ଚାୟୀୟ ପେଇଁନେ ସେଲୀୟୁସକେ ଆଲାଦ୍ ଡିଙ୍ଗିପା ।
ମେଁଇଁନେ ଆଡ଼ାଡ଼ା ଦଦ୍ୟା ବେବଆର୍ ଡିଙ୍ଗିପା ।

୨୦ ଅ ଗଡ଼େଇଁ ସାପା ସାମୁଆଁନ୍ନିଆ ଇୟାଙ୍ଗ ଆବାନେ ସାମୁଆଁ
ମାନେଃପା । ତାଗ୍ଲା ଏନ୍‌ବାନ୍ ଇସ୍‌ପର୍ ମ୍ଲେଡ଼୍ୟାଏ ।

୨୧ ଅ ଇୟାଙ୍ଗ ଆବାଇଁ ପେଇଁନେ ଗଡ଼େଇଁକେ ରିସା
ଆରାଡ଼ିଙ୍ଗିପା । ତାଗ୍ଲା ଏନ୍ ଡିଙ୍ଗିଲା ମେଇଁ ମୁର୍‌ମୁରା ଡିଙ୍ଗିଆର୍‌ଏ ।

୨୨ ଅ ଗୁଡ଼ିରେଇଁ, ଏନ୍ ମଞ୍ଚୁପୁର୍‌ନ୍ନିଆ ସାପା ସାମୁଆଁକେ ନିଜର୍
ମାଲିକ୍‌ଇଁନେ ଆଦେସ୍ ପାଲନ୍ ଡିଙ୍ଗିପା । ଉଡ଼ି ବେଲା ମାଲିକ୍‌ଇଁ
କିକେ ଆଡ଼ିଙ୍ଗିଆରକେ ଆଡେନ୍ ବେଲା ଡିଗ୍ ବାରି କାଲାଆଃ
ମେଁଇଁନେ ସାମୁଆଁ ମାନେଃପା । ଦେକ୍‌ରକମ୍ ଡିଙ୍ଗିନେ ବାନ୍ ପେଇଁ
ସଡେଆ ରେମୁଆଁଇଁକେ ସାଦ୍‌ଆ ଆଡ଼ିଙ୍ଗିନେସା ଚେସ୍‌ଟା ପେଡ଼ିଙ୍ଗିକେ
ଶୁ ବାରି ମାପୁକେ ସନ୍‌ମାନ୍ ବିପେଡ଼ିଙ୍ଗିଲା ପେଇଁ ଇକ୍‌ଟା ରକମ୍
ସାମୁଆଁ ମାନେଃପା ।

୨୩ ସାପା କାମ୍ ଆଶ୍ଚେଙ୍ଗ ଡିଙ୍ଗିନେ ବେଲା ସାପାବାନ୍ ନିମାଶ୍ଚା
ଡିଙ୍ଗିନେ ସା ଚେସ୍‌ଟା ଡିଙ୍ଗିପା । ମାପୁନେ ଜଡନ୍ ଡିଙ୍ଗିଶ୍ଚିକେ
ରେମୁଆଁଇଁନେ ଶୁ ତାଗ୍‌ଟେ ବାବେଟେ କାମ୍ ଡିଙ୍ଗିପା ।

୨୪ ମନେ ବପା ଇସ୍‌ପର୍ ମେଁନେ ରେମୁଆଁଇଁନେ ନସା ମେଁନେ
ବକେ ଆଡେନ୍ ମେଁ ଆପେକେ ପୁରସ୍‌କାର୍ ରକମ୍ ବିଏ । ତାଗ୍ଲା କିସ୍‌ଟ
ଆଃ ପେନେ ସଡେଆ ମାପୁ ଜାଶ୍ଚେନେ ସେବା ପେ ଡିଙ୍ଗିପେଡ଼ିଙ୍ଗି ।

୨୫ ତାଗ୍ଲା ଗୁଲୁଏ ଦଦ୍ୟା କାମ୍ ଡିଙ୍ଗିନେ ରେମୁଆଁ ମେଁନେ କାମ୍
ଅନୁସାରେ ପୁରସ୍‌କାର୍ ବାଏ । ତାଗ୍ଲା ଇସ୍‌ପର୍ ସାପା ରେମୁଆଁକେ
ସମାନ୍ ବାବ୍‌ରେ ବିଟାର୍ ଡିଙ୍ଗିଏ ।

୪

୧ ଅ ମାଲିକ୍‌ଇଁ ପେଇଁନେ ଚାକରଇଁନେ ଆଡ଼ାଡ଼ା ନ୍ୟାୟ୍ ବାରି
ସମାନ୍ ବେବଆର୍ ଡିଙ୍ଗିପା । ମନେ ବପା କିଡ଼ଙ୍ଗିଇନିନ୍ନିଆ ପେଇଁନେ
ଡିଗ୍ ମୁଇଁଜା ମାପୁ ଲେଃକେ ।

ବିନ୍‌ବିନ୍‌ନେ ଆଦେସ୍

୨ କାଲାଆଃ ପାର୍‌ତନା ଡିଙ୍ଗି ଲାଲାପା । ପାର୍‌ତନା ଡିଙ୍ଗିକେଲା
କାଲାଆଃ ପର୍‌ମେସ୍‌କେ ଦନ୍‌ସାଦ୍ ବିଃପା ।

୩ କିସ୍ତନେ ବୁଝନ୍ତି ଲେଖକେ ସାମୁଆଁ ବାସଙ୍ଗ ତିଙ୍ଗନେ ଉଦେସନ୍ନିଆ ଇସ୍ପର୍ ତିରକମ୍ ଆନେକେ ସୁଜଗ୍ ବିଏ ଆତେନ୍‌ସା ଡିଗ୍ ପାରତନା ତିଙ୍ଗପା । ଆଣ୍ଟିନେ ଗ୍ଲାଲିର୍ ବାସଙ୍ଗ ତିଙ୍ଗ ନସା ନେଙ୍ଗ ଏବେ ବନ୍ଦିସାଲାନ୍ନିଆ ନ୍ଲେକେ

୪ ପାରତନା ତିଙ୍ଗପା ତିରକମ୍ ନେଙ୍ଗ ସତ୍ ବାରି ନିମାଣ୍ଡା ବାବ୍ରେ ଆତେନ୍ ବାସଙ୍ଗ ତିଙ୍ଗ ଇୟାଏ ।

୫ ସାପା ସୁଜଗ୍‌ନେ ଟିକ୍ ବେବଆର୍ ତିଙ୍ଗ୍‌ତେ ଅବିସ୍‌ବାସି ଇନେ ଡାଗ୍ରା ବୁଦିଗ୍ୟାନ୍ ଏତେ ବେବଆର୍ ତିଙ୍ଗପା ।

୬ ପେଇନେ ସାମୁଆଁ ସାପାବେଲା ମନ୍‌କେ ଝେଲେଃ ବାରି ବିତିଗ୍ ରକମ୍ ମ୍ବେ ଲେଃଲେ । ସାପାରେକେ ତିରକମ୍ ଟିକ୍‌ନା ଉତର୍ ବିପେୟାଏ ଏନ୍ ସାମୁଆଁ ପେଇଁ ମ୍ୟାନେ ଦରକାର୍ ।

ସାରାସାରି ସାଲ୍‌ନେ

୭ ଜିସୁ କିସ୍ତନେ ନସା ନେଙ୍ଗନେ ନିଜର୍ ବୟାଁ ତୁଖ୍‌କ ବିସ୍‌ବାସ୍ ସେବାରେ ବାରି ନେଙ୍ଗ୍ ଏତେ ମାପୁନେ ମୁଇଙ୍ଗ୍ ସେବାରେ ତିଙ୍ଗକେ । ନେଙ୍ଗ୍ ଏତେ ଆକ୍‌ଅରିଆ ମେଁନେ ସାପା ଗଟେତିକେ ଆତେନ୍ ସାପା ସାମୁଆଁ ମେଁ ଆପେକେ ବାସଙ୍ଗଏ ।

୮ ଆତେନ୍‌ସା ନେଙ୍ଗ୍ ଆମେକେ ବେଣ୍ଟିଁ । ନେଙ୍ଗ୍ ଇକ୍‌ଟା ଶ୍ରିଙ୍ଗଏ ଜେ ନେ ତିରକମ୍ ନେଲେକେ ଆତେନ୍ ପେଇଁ ମ୍ୟାପା ।

୯ ✨ମେଁନେ ସଙ୍ଗେ ନେଙ୍ଗ୍ ବିସ୍‌ବାସ୍ ବାରି ନିଜର୍ ବୟାଁ ଅନସିମକେ ବେଣ୍ଟିକେ । ମେଁ ପେନେ ବିତ୍ରେବାନ୍ ମୁଇଙ୍ଗା । ମେଇଁ ଏନ୍ ଜାଗାନ୍ନିଆ ଗଟେତିକ୍‌କେ ସାପା ବିସୟ ଆପେକେ ଆମ୍ୟାଏ ।

୧୦ ✨ନେଙ୍ଗ୍ ଏତେ ବନ୍ଦି ତିଙ୍ଗଲେଃକେ ଆରିସ୍‌ଆର୍ଗ ବାରି ବର୍ଣ୍ଣବା ନେ କୁଟୁମନେ ବୟାଁ ମାରକ ଏନ୍ ବିସୟନ୍ନିଆ ପେଇଁ ଅଁ ପେଲେକେ; ମେଁ ଜଦି ପେନେ ଡାଗ୍ରା ପାଙ୍ଗଏ ତେଲା ଆମେକେ ଗ୍ରଅନ୍ ତିଙ୍ଗପା ଆପେକେ ସାରଲ ତିଙ୍ଗକେ ।

୧୧ ଯୁସ୍ ମ୍ବିରେ ସ୍ଲାମୁଆଁ ଜିସୁ ତିଗ୍ ସାରଲତିକେ । ଜିସୁ ଦରମ୍ ଗ୍ରଅନ୍ ତିଙ୍ଗବକ୍ ମାତର୍ ଏନ୍ ଝି ରୁଆ ଜିହୁଦି ଇସ୍ପର୍‌ନେ ରାଇଜ୍

✨ ୪:୯ ପିଲିମନ୍ ୧:୧୦-୧୨. ✨ ୪:୧୦ ପ୍ରେରିଡ୍ ୧୯:୨୯; ୨୭:୨; ପିଲିମନ୍ ୧:୨୪; ପ୍ରେରିଡ୍ ୧୨:୧୨, ୨୫; ୧୩:୧୩; ୧୫:୩୭-୩୯.

ନସା ନେଙ୍କନେ ଏତେ କୁଡ଼େମାଡ଼େରେ ଆନେଙ୍କ ଜାବର୍ ସାଇଜ
ଡିଙ୍କ ବଆରକେ ।

୧୨ ☆ଏପାପ୍ତା ଆପେକେ ସାର୍ଲିଡିଂକେ । ମେଁ ଜିସୁ କିସ୍ତନେ ମୁଇଙ୍କ
ସେବକ । ମେଁ ପେଇଂନେ ଦଲ୍ଲନେ ରେମୁଆଁ । ମେଁ କାଲାଆଃ
ପେଇଂନେ ସା ପାର୍ତନା ଡିଙ୍କକେ । ପେଇଂ ଆମ୍ବିକ ବାବ୍ରେ ପବିତ୍ର
ଡିଙ୍କପା ବାରି ପରମେସର୍ ମେଁନେ ଇକ୍ତା ଡିଙ୍କକେ ଦେଡ଼ ରକମ୍
ଡିଙ୍କପା ତାଗ୍ରେ ମେଁ ପାର୍ତନା ଡିଙ୍କକେ ।

୧୩ ପେ ନସା ବାରି ଲାଓଦିକିଆ ବାରି ହିଏରପଲି ରେମୁଆଁଇଂ ନସା
ମେଁ ଡିଙ୍କବକ୍ସେ ଜାବର୍ କସ୍ ବିସୟରେ ନେଙ୍କ ନିଜେ ସାକି ବିଃଣ୍ଡିଂ ।

୧୪ ☆ନିଜର୍ ଗଦାର୍ ଲୁକ୍ ବାରି ଦାମ ଆପେକେ ସାର୍ଲିଡିଂଆରକେ
।

୧୫ ଲାଓଦିକିଆନେ ବୟାଁ ବାରି ତନାଇଂକେ ତନା ନୁମପା ବାରି
ମେଁନେ ତୁଆ ମୁଇଂଅରିଆ ରାଃସିଙ୍କ୍ସେ ମଣ୍ଡଲିନେ ସାପାରେକେ ନେ
ସାର୍ଲନେ ଆଃଅପା ।

୧୬ ପେ ଏନ୍ ଉଲିଆ ପଡ଼େ ଆତାଙ୍କେ ଇଡିଙ୍କ ଲାଓଦିକିଆ
ମଣ୍ଡଲିନିଆ ତିଗ୍ ତିରକମ୍ ଏନ୍ ପଡ଼େ ଯା ଆରୁଏ ଆତେନ୍ ନିୟମ୍
ଡିଙ୍କପା । ଲାଓଦିକିଆ ମଣ୍ଡଲିନେ ବୟାଁଇଂ ପେନେ ତାଗ୍ରା ଆଣ୍ଡିନେ
ଉଲିଆ ବେଆରୁଏ ଆତେନ୍ ତିଗ୍ ପଡ଼େପା ।

୧୭ ☆ବାରି ଆଖିପାକେ ପେବାସଙ୍ଗ୍ସ “ମାପୁନେ ସେବା
ଡିଙ୍କନେସା ଆପେକେ ଆଣ୍ଡିନେ ଦାଇଡ଼ ବିବ ଆରକେ ଆତେନ୍
ଡିଲାଡିଗ୍ ଆତା ବିଃପା ।”

୧୮ ନେଙ୍କ ପାଉଲ୍ ନେଙ୍କନେ ନିଜର୍ ତ୍ରିନିଆ ଏନ୍ ସାର୍ଲନେ
ଗୁଆରଣ୍ଡିଙ୍କ୍ । ନେଙ୍କନେ ବନ୍ଦି ତୁଆନିଆ ଲେଃକ୍ସେ ଅବସ୍ତାକେ
ଆଆବଗପା ।

ଇସ୍ପର୍ରେନେ ଅନୁଗ୍ରଥ ପେ ସାପାରେନେ ତାଗ୍ରା ଲାଃଲେ ।

☆ ୪:୧୨ କଲସିୟ ୧:୭; ପିଲିମନ୍ ୧:୨୩. ☆ ୪:୧୪ ୨ ତିମତି ୪:୧୧; ପିଲିମନ୍ ୧:୨୪; ୨
ତିମତି ୪:୧୦; ପିଲିମନ୍ ୧:୨୪. ☆ ୪:୧୭ ପିଲିମନ୍ ୧:୨.

ସତ୍ ଗାଲି
The New Testament in the Gata' language of India: ସତ୍
ଗାଲି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଲି
ଯୀଶୁ ମାତ୍ରେନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c